

বাংলাদেশের দিবসসমূহ

শুধুমাত্র বাংলাদেশের নিজস্ব দিবসগুলোকে "বাংলাদেশের দিবস" বলা হচ্ছে। এই দিবসগুলো শ্রেফ বাংলাদেশেই পালিত হয়। অবশ্য, বিশ্বের বিভিন্ন দেশে অবস্থানরত প্রবাসি বাঙালিরাও এই দিবসগুলো সীমিতাকারে পালন করে থাকেন।

জানুয়ারি

- [বঙ্গবন্ধুর স্বদেশ প্রত্যাবর্তন দিবস*](#) : ১০ জানুয়ারি

বাংলাদেশের স্বাধীনতা যুদ্ধকালীন নেতা বঙ্গবন্ধু শেখ মুজিবুর রহমান বাংলাদেশের মুক্তিযুদ্ধকালীন দীর্ঘ ১০ মাস কারাভোগের পর ১৯৭২ খ্রিস্টাব্দের এই দিনে স্বদেশে (বাংলাদেশের ভূখন্ডে) ফিরে আসেন, তারই উপলক্ষে এই দিবসটি পালিত হয়।

- [জাতীয় শিক্ষক দিবস](#) : ১৯ জানুয়ারি
- [শহীদ আসাদ দিবস](#) : ২০ জানুয়ারি

১৯৬৯ খ্রিস্টাব্দের এই দিনে আমানুল্লাহ আসাদুজ্জামান নামের একজন ছাত্রনেতা তৎকালীন পূর্ব পাকিস্তানের (বর্তমান বাংলাদেশ) শাসক আইয়ুব শাহীর পতনের দাবীতে মিছিল করার সময় পুলিশের গুলিতে নিহত হন। তিনি ১৯৬৯ সালের বাঙালির গণ-আন্দোলনে তৎকালীন পূর্ব-পাকিস্তানের তিন শহীদদের একজন, অন্য দু'জন হচ্ছেন- শহীদ রুস্তম ও শহীদ মতিউর।

- [গণঅভ্যুত্থান দিবস](#) : ২৪ জানুয়ারি

১৯৬৯ খ্রিস্টাব্দের এই দিনে তৎকালীন পাকিস্তানী শাসকদের বিরুদ্ধে পূর্ব পাকিস্তানের ছাত্র-জনতা প্রতিরোধ গড়ে তোলে, মিছিল বের করে। মিছিলে পুলিশের গুলিবর্ষণে নিহত হন নবম শ্রেণীর ছাত্র মতিউর রহমান। সেই গণঅভ্যুত্থানের স্মরণে এই দিনটি পালিত হয়।

- [কম্পিউটারে বাংলা প্রচলন দিবস](#) : ২৫ জানুয়ারি

প্রবাসী প্রকৌশলী সাইফুদ্দাহার শহীদ ১৯৮৫ খ্রিস্টাব্দে অ্যাপলের ম্যাকিন্টোশ কম্পিউটারে এদিন প্রথম বাংলা লিখন চালু করেন।

- [সলঙ্গা দিবস](#) : ২৮ জানুয়ারি

ফেব্রুয়ারি

- [সুন্দরবন দিবস](#) : ১৪ ফেব্রুয়ারি

২০০১ খ্রিস্টাব্দের এই দিনে বাংলাদেশ পরিবেশ আন্দোলনের আওতায় খুলনা বিশ্ববিদ্যালয়সহ ৭০টি পরিবেশবাদী সংগঠনের অংশগ্রহণে অনুষ্ঠিত প্রথম জাতীয় সুন্দরবন সম্মেলনে দিবসটিকে সুন্দরবন দিবস হিসেবে পালনের সিদ্ধান্ত গৃহীত হয়।

- [শহীদ দিবস](#) : ২১ ফেব্রুয়ারি
- [জাতীয় ডায়াবেটিস সচেতনতা দিবস](#) : ২৮ ফেব্রুয়ারি

১৯৫৬ খ্রিস্টাব্দের এই দিনে ড. মো. ইব্রাহিমের উদ্যোগে বাংলাদেশ ডায়াবেটিক সমিতি প্রতিষ্ঠিত হয়। তাই এই দিনটিকে ডায়াবেটিস সচেতনতা তৈরিতে উপজীব্য করা হয়। এছাড়াও প্রতি বছরই ১৪ নভেম্বর বিশ্ব ডায়াবেটিস দিবস পালিত হয়।

মার্চ

- [জাতীয় পতাকা দিবস](#) : ২ মার্চ
- [শিশু দিবস*](#) : ১৭ মার্চ

বাংলাদেশ আওয়ামী লীগ নেতৃস্বাধীন সরকারের সিদ্ধান্তে জাতীয় নেতা শেখ মুজিবুর রহমানের জন্ম তারিখে শিশু দিবস পালনের সিদ্ধান্ত গৃহীত হয় ২০১১ খ্রিস্টাব্দ[তথ্যসূত্র প্রয়োজন] থেকে।

- [পতাকা উত্তোলন দিবস*](#) : ২৩ মার্চ

১৯৭১ খ্রিস্টাব্দের এই দিনে পল্টন ময়দানে শেখ মুজিবুর রহমানের উপস্থিতিতে ছাত্র সংগ্রাম পরিষদ স্বাধীন বাংলাদেশের পতাকা উত্তোলন করে। এই দিবসটি বাংলাদেশের স্বাধীনতার চেতনাস্বরূপ পালিত হয়।

- [স্বাধীনতা দিবস](#) : ২৬ মার্চ

১৯৭১ খ্রিস্টাব্দের এই দিনে পাকিস্তানী শাসকদের বিরুদ্ধে যুদ্ধ করার জন্য আনুষ্ঠানিকভাবে বাঙালিদের প্রতি আহ্বান জানানো হয়, যা 'স্বাধীনতার ঘোষণা' হিসেবে সমধিক পরিচিত। ঐ দিন বেশ কয়েকবার সম্প্রচার মাধ্যমগুলোতে এই ঘোষণা প্রচারিত হয় এবং বাংলাদেশের (তৎকালীন পূর্ব পাকিস্তান) আনুষ্ঠানিকভাবে যুদ্ধে যোগদান করে। এই যুদ্ধ ঐ বছরই ১৬ ডিসেম্বর সমাপ্ত হয় এবং পূর্ব পাকিস্তান স্বাধীনতা লাভ করে ও বাংলাদেশ নামক নতুন একটি দেশ আত্মপ্রকাশ করে। এর পর থেকে প্রতি বছর মার্চ মাসের এই দিনটিকে 'স্বাধীনতা ঘোষণার দিবস' বা 'স্বাধীনতা দিবস' হিসেবে পালিত হয়ে আসছে।

- [জাতীয় দুর্যোগ প্রস্তুতি দিবস](#) : ৩১ মার্চ

[১৯৯৮](#) খ্রিস্টাব্দ থেকে প্রতিবছর বাংলাদেশে, দুর্যোগ মোকাবিলা করার প্রস্তুতিস্বরূপ এই দিবসটি পালিত হয়ে আসছে।

এপ্রিল

- [জাতীয় প্রতিবন্ধী দিবস](#) : ২ এপ্রিল
- [পহেলা বৈশাখ](#) বা [বাংলা নববর্ষ](#) : ১৪ এপ্রিল

বাংলা বর্ষপঞ্জি অনুযায়ী বর্ষশুরুর দিবস হিসেবে উদযাপিত হয়ে থাকে।

- [মুজিবনগর দিবস*](#) : ১৭ এপ্রিল

মে

- [মহান মে দিবস](#) : ১ মে
- [ফারাক্কালংমার্চ দিবস](#) বা [ফারাক্কাল দিবস](#) : ১৬ মে

ফারাক্কাল বাঁধের কারণে বাধাপ্রাপ্ত জলপ্রবাহের নিমিত্তে বাংলার মজলুম জননেতা মাওলানা আবদুল হামিদ খান ভাসানীর ডাকে লাখো মানুষ ভারত থেকে বাংলাদেশে প্রবাহিত গঙ্গার পানির ন্যায্য হিস্যা আদায়ের সংগ্রামে ফারাক্কাল অভিমুখে মিছিলে অংশ নিয়েছিলো। সেই দাবিকে বারে বারে উত্থাপনের লক্ষ্যেই প্রতি বছর দিবসটি পালিত হয়।

- [বাংলাদেশের বিদ্রোহী কবি কাজী নজরুল ইসলাম-এর জন্মবার্ষিকী](#) : ২৫ মে
- [নিরাপদ মাতৃ দিবস](#) : ২৮ মে

জুন

- [ছয় দফা দিবস*](#) : ৭ জুন

তৎকালীন পশ্চিম পাকিস্তানীদের শোষণ থেকে মুক্তির লক্ষ্যে শেখ মুজিবুর রহমানের দেয়া ৬ দফা বাস্তবায়নের লক্ষ্যে ১৯৬৬ খ্রিস্টাব্দের এই তারিখে রাস্তায় নেমে আসে লাখো লাখো মানুষ। হরতাল চলাকালে পুলিশের গুলিতে ঢাকা, নারায়ণগঞ্জসহ বিভিন্ন জায়গায় নিহত হোন অন্তত ১১জন। তাঁদের স্মরণে এবং জাতীয় মুক্তির স্বারকস্বরূপ এই দিবসটি পালিত হয়ে থাকে

- [নারী উত্ত্যক্তকরণ প্রতিরোধ দিবস বা ইভ টীজিং প্রতিরোধ দিবস](#) : ১৩ জুন

নারী উত্ত্যক্তকরণ প্রতিরোধে জনসচেতনতা তৈরিতে বাংলাদেশের শিক্ষা মন্ত্রণালয়ের উদ্যোগে সারা দেশব্যাপী ১০১০ খ্রিস্টাব্দে ঘোষিত ও প্রথম পালিত হয়।

- [পলাশী দিবস](#) : ২৩ জুন

জুলাই

- [ঢাকা বিশ্ববিদ্যালয় দিবস](#) : ১ জুলাই

১৯২১ খ্রিস্টাব্দের এই তারিখে প্রতিষ্ঠিত হয়েছিলো বাংলাদেশের ঐতিহ্যবাহী প্রতিষ্ঠান ঢাকা বিশ্ববিদ্যালয়।

- [জন্ম নিবন্ধন দিবস](#) : ৩ জুলাই

২০০৬ ২০০৬ সালে এই তারিখে বাংলাদেশে জন্ম ও মৃত্যু নিবন্ধন বিধিমালা কার্যকর হয়েছে।

আগস্ট

- [দিঘলিয়ার দেয়াড়া গণহত্যা দিবস](#) : ২৭ আগস্ট

১৯৭১ খ্রিস্টাব্দের এই দিনে খুলনার দিঘলিয়ার দেয়াড়া গ্রামে মুক্তিযুদ্ধ চলাকালীন পাকিস্তানী হানাদারদের গুলি ও ধারালো অস্ত্র দিয়ে চালানো গণহত্যায় ৬০ জন নিরপরাধ বাঙালির হত্যা উপলক্ষে পালিত দিবস।

সেপ্টেম্বর

- [জাতীয় আয়কর দিবস](#) : ১৫ সেপ্টেম্বর

২০০৭ খ্রিস্টাব্দ থেকে এই দিবস বাংলাদেশে জাতীয়ভাবে পালিত হয়ে আসছে।

- [মহান শিক্ষা দিবস](#) : ১৭ সেপ্টেম্বর

তৎকালীন পশ্চিম পাকিস্তান সরকারের গণবিরোধী, শিক্ষা-সংকোচনমূলক শিক্ষানীতি চাপিয়ে দেয়ার প্রতিবাদে এবং একটি গণমুখী শিক্ষানীতি চালু করার দাবিতে ১৯৬২ খ্রিস্টাব্দের এই দিনে ছাত্র-জনতার ব্যাপক গণআন্দোলন দমাতে পুলিশ ঢাকার হাইকোর্ট মোড়ে গুলি চালায়। ন্যায়্য দাবির জন্য এই গণহত্যার স্মরণে দিবসটি পালিত হয়।

- [কৃষ্ণপুর গণহত্যা দিবস](#) : ১৮ সেপ্টেম্বর

১৯৭১ খ্রিস্টাব্দে মুক্তিযুদ্ধের সময় এই দিনে হবিগঞ্জের কৃষ্ণপুরে হিন্দু ধর্মাবলম্বীদের ১২৭জন পুরুষকে নির্মমভাবে হত্যা করেছিলো পাকিস্তানি হানাদার বাহিনী। এছাড়া আশেপাশের এলাকাগুলোতে হামলা চালিয়ে আরো প্রায় শতাধিক পুরুষকে হত্যা করে তারা।

- [প্রীতিলতার আত্মাহুতি দিবস](#) : ২৩ সেপ্টেম্বর

ব্রিটিশবিরোধী আন্দোলনের নেত্রী প্রীতিলতা ওয়াদেদার ১৯৩২ খ্রিস্টাব্দের এই দিনে দেশের স্বাধীনতা, সার্বভৌমত্ব রক্ষায় আত্মাহুতি দেন। তিনি ১৯৩০খ্রিস্টাব্দে মাস্টারদা সূর্য সেনের সংস্পর্শে এসে এই সশস্ত্র আন্দোলনে সম্পৃক্ত হোন।

- [মাহমুদপুর গণহত্যা দিবস](#) (গোপালপুর উপজেলার মুক্তিযুদ্ধের গণহত্যার স্মরণে) : ২৯ সেপ্টেম্বর

অক্টোবর

- [পথশিশু দিবস](#) : ২ অক্টোবর

নভেম্বর

- [জাতীয় সমবায় দিবস](#) : প্রথম শনিবার
- [জেলহত্যা দিবস*](#) : ৩ নভেম্বর

১৯৭৫ খ্রিস্টাব্দের ৩ নভেম্বর কেন্দ্রীয় কারাগারে বন্দী অবস্থায় তৎকালীন পরাধীন বাংলাদেশের স্বাধীনতা আন্দোলনের পুরোধা চার নেতাকে হত্যা করে ক্ষমতাসীন পাকিস্তানী সরকার। এই চার নেতা হলেন: সৈয়দ নজরুল ইসলাম, তাজউদ্দীন আহমদ, এম মনসুর আলী, এ এইচ এম কামরুজ্জামান। এই দিবসটি স্মরণ করে ৩ নভেম্বর জেলহত্যা দিবস পালিত হয়।

- [সংবিধান দিবস](#) : ৪ নভেম্বর
- [জাতীয় বিপ্লব ও সংহতি দিবস*](#) : ৭ নভেম্বর
- [নূর হোসেন দিবস](#) বা স্বৈরাচার বিরোধী দিবস : ১০ নভেম্বর
- [সশস্ত্রবাহিনী দিবস](#) : ২১ নভেম্বর

১৯৭১ খ্রিস্টাব্দের এই দিনে বাংলাদেশের সর্বদিক দিয়ে সামরিক বাহিনীসহ তৎকালীন বাঙালি আপামর জনতা একত্রে আক্রমণ করে তৎকালীন পূর্ব পাকিস্তানী হানাদারদের উপর। এই বিশেষ দিনটিকে স্মরণ রেখেই অতীতে বিভিন্ন দিবসে পালিত সশস্ত্র বাহিনী দিবসকে এই দিনে পালন করা হয়।

ডিসেম্বর

- [মুক্তিযোদ্ধা দিবস*](#) : ১ ডিসেম্বর
- [জাতীয় যুব দিবস](#) : ১ ডিসেম্বর
- [স্বৈরাচার পতন দিবস*](#) বা সংবিধান সংরক্ষণ দিবস : ৬ ডিসেম্বর

১৯৯০ খ্রিস্টাব্দের এই দিনে স্বৈরশাসক এরশাদ সরকারের পতন হয়েছিলো। পরবর্তীতে এরশাদের রাজনৈতিক দল [জাতীয় পার্টি](#) এই দিনটিকে 'সংবিধান সংরক্ষণ দিবস' হিসেবে পালন করে।

- [জাতীয় যুব দিবস](#) : ৮ ডিসেম্বর
- [রোকেয়া দিবস](#) : ৯ ডিসেম্বর
- [শহীদ বুদ্ধিজীবী দিবস](#) : ১৪ ডিসেম্বর
- [বিজয় দিবস](#): ১৬ ডিসেম্বর
- [বাংলা ব্লগ দিবস](#): ১৯ ডিসেম্বর

দিবসটি প্রথমবার পালিত হয় ২০০৯ খ্রিস্টাব্দে। ২০০৫ খ্রিস্টাব্দে ইন্টারনেটে প্রথম বাংলা ব্লগিং-এর সূচনা হয়। মূলত ব্লগিং, বিশেষ করে বাংলায় ব্লগিং-এ আগ্রহী করতেই ব্লগাররা দিবসটি পালন করে আসছেন।

* এই দিবসসমূহ সাধারণত রাজনৈতিক ক্ষমতার পালাবদলে নিয়মিত পালিত হয় না।